



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1204. Usque Ad Annum 1230

**Fleury, Claude**

**August. Vind. [u.a.], 1763**

**VD18 90118030**

§. 60. Scholasticorum mores.

---

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

Sæcul. XIII. A.C. 1210. sepulti ex Cœmeterio effossa, & in sterquilinum projecta.

Ceterum illa tempestate Parisiis Libri Metaphysicorum Aristotelis, haud diu ante Constantinopoli allati, & ex Græco in Latinum versi, publice prælegebantur. Quia vero Quæstiones, quas complectuntur, subtilissimæ occasio fuerant memoratæ Hæresis, ac in posterum etiam esse possent, jubente Concilio omnes flammis consumti sunt, & sub excommunicationis pœna vetitum, ne cuiquam hos libros describere, legere aut retinere liceret. Quod autem spectat ad Libros Physicæ Generalis Aristotelis, qui etiam Parisiis ab aliquot annis tradebantur, eorum lectio solum ad annos tres prohibita.

At Libri cujusdam Doctoris, nomine *David*, atque Libri Theologiæ, Francorum lingua scripti, in perpetuum prohibiti, & combusti fuerunt.

§. LX.

*Scholasticorum mores.*

Perversis Hæreticorum istorum principiis adscribi merito potest morum corruptio, quæ in Universitate Parisiensi grassabatur; id enim Jacobus Vitriacus, illius ævi Scriptor & Parochus Argenteliæ, testatum facit: *Nullum peccatum, inquit, simplici fornicationi inesse contendebant. Mulieres vulgati pudoris in publico foro præ.*



prætereuntes Clericos impudenter detinebant, atque in ædes suas, quasi vi adhibita, pertrahabant. Constante reluctantes, libidinis, fornicatione deterioris, accusabant. Haud exiguo honore ducebant plerique, complures pellices stipendiis alere. In iisdem ædibus superius Schola studiosorum, inferius lupanar visebatur. Clerici, qui majores quam ceteri sumtus faciebant in convivia & meretrices, plurimi aestimabantur. Qui mensam parce instruebant, & pietatem amabant, avari, hypocritæ, superstitioni addicti, habebantur. Plerique literis operam dabant, ut inutilem sciendi cupiditatem, superbiam, avaritiam, satiarent, non autem ut proximo prodesse, non solum scholarum Sæctis, sed etiam nationum diversitate divisi, quippe Franci, Angli, Germani, Normanni, Pictavienses, Burgundiones, Britones, Longobardi, Siculi, Brabantini, Flandri aderant. Cumque, ut sit, unaquæque gens alteri vitium populare objiceret, sæpe a jurgiis ad verbera ventum est.

Sæcul. XIII.  
A. C. 1210.

Cum vero plerique Scholastici Clericali Ordine essent initiati, in illis rixis Censura excommunicationis involvebatur, contra omnes lata, qui Clericis violentas manus injicerent; nec eam alius Judex, sed solus Papa, solvere poterat. Quare Summo Pontifici exponunt, haud posse se Romam pergere, ad petendam ab-

Conc. Rom.  
1131.

Sup. Lib.  
LVIII. §. 9.



Sæcul. XIII. *solutionem, sine magna pecuniæ, & tenu-*  
A.C. 1211. *poris, quod literis impendendum esset, ja-*  
*ctura. Papa, re pensata, Abbati S. Vi-*  
*ctoris potestatem contulit, qua Scholasticos*  
*ab ista Excommunicatione absolveret, nisi*  
*forte enormiter fuisset peccatum. Quia*  
*deinde Abbas S. Victoris, sequens regu-*  
*lam; favores, a Principibus concessos, esse*  
*ampliandos, absoluebat Scholasticos, Cleri-*  
*corum percussores, in quocunque loco id*  
*accidisset, re comperta, Pontifex, id in-*  
*posterum fieri prohibuit, & datum absol-*  
*vendi privilegium explicavit, quod ad*  
*illos, qui extra Parisios urbem Clericum*  
*verberassent, non esset extendendum. Hæc*  
*Epistola die vigesima tertia Januarii anno*  
*millesimo ducentesimo undecimo da-*  
*ta est.*

## §. LXI.

*Episcoporum Aurelianensis & Anti-*  
*siodorensis Causa.*

**S**ub idem tempus Philippo Augusto Regi,  
 & Episcopis Antisiodorensi ac Aurelia-  
 nensi lis orta est, quæ per complures an-  
 nos componi non potuit. Erant vero  
 hi Præsules Guilielmus & Manasses, de  
 familia *Seignelai*, fratres. Guilielmus,  
 etsi esset natu minor, prælatus est fratri  
 suo, atque in Sedem Antisiodorensis, de-  
 functo Episcopo Hugone Nuceriensi, va-  
 cantem, euectus. Nam die Veneris post  
 Purificationem, nempe, die nona Februa-  
 rii,

*Hist. Ep.*  
*Ant. to. 1.*  
*Bibl. Lab.*  
 p. 483.